

**SEMINAR PEMBENTANGAN AKHIR SME-UNIVERSITY
INTERNSHIP 2010**

Teks Ucapan

BRIG. JENERAL DATO' PROF. DR. KAMARUDIN HUSSIN

Naib Canselor

Universiti Malaysia Perlis (UniMAP)

pada 10 Februari 2011 (Khamis)

di Dewan Keikhlasan UniMAP, Tingkat 10 KWSP, Perlis.

Bismillah Hirrahan Nirrahim

Assalamualaikum Warahmatullahi Taala Wabarakatuh, Salam
Sejahtera, Salam Perpaduan dan Salam 1 Malaysia.

Yang Berbahagia Dato' Ameer Ali Mydin, Pengarah Urusan,
Mydin Holdings Bhd

Encik Borhan Sidik, Ketua Eksekutif, SME Corporation
Malaysia

Yang Berusaha Dr Syahira Hamidon, Ketua Unit
Keusahawanan, Kementerian Pengajian Tinggi Malaysia

Encik CheMohdShahibuddinMahmood, Timbalan Presiden II /
Ketua Pembangunan Usahawanan, SME Bank

Pegawai-pegawai Utama UniMAP

Prof. Madya Dr. Hazry Desa, Dekan Pusat Pengajian Inovasi
Perniagaan dan Teknousahawan, Universiti Malaysia Perlis

Encik Mohammad Rozlan Mohammad Razali, Penolong
Pengurus, Unit Pembangunan Perniagaan, SME Corporation
Malaysia

Dekan-dekan dan Ketua-ketua Jabatan UniMAP,

Y.Bhg. Dato'-Dato', Profesor-profesor, Wakil – wakil Media

Seterusnya, Tuan-tuan, Puan-puan dan pelajar-pelajar yang
dihormati sekalian.

Terlebih dahulu marilah kita bersama-sama merafak
kesyukuran ke hadrat Allah Subhanahuwataala kerana
dengan limpah perkenanNya dapat kita berhimpun buat
julung kalinya pada petang ini, dalam suasana yang penuh
semangat berkobar-kobar di Seminar Pembentangan Akhir
SME-University Internship 2010 anjuran Pusat Pengajian
Inovasi Perniagaan dan Teknousahawan (PPIPT), Universiti
Malaysia Perlis dengan kerjasama SME Corporation Malaysia.

Saya mewakili warga UniMAP ingin menzahirkan setinggi-
tinggi penghargaan dan jutaan terima kasih yang tidak
terhingga kepada Yang Berbahagia, Dato' Ameer Ali Mydin,
Pengarah Urusan Mydin Holdings Berhad, Encik Borhan

Sidik, Ketua Eksekutif SME Corporation Malaysia, Dr Syahira Hamidon, Ketua Unit Keusahawanan, Kementerian Pengajian Tinggi Malaysia, dan Encik CheMohdShahibuddinMahmood, Timbalan Presiden II / Ketua Pembangunan Usahawanan SME Bank kerana sudi hadir pada petang ini.

Ucapan terima kasih juga dizahirkan kepada barisan tetamu dan dif-dif kehormat yang sudi melapangkan masa, hadir bagi memeriahkan lagi majlis pada petang ini. Tidak ketinggalan, tahniah kepada jawatankuasa pelaksana PPIPT di atas kesungguhan dan inisiatif mereka bagi menganjurkan program yang begitu baik, ikhlas dan murni ini dan program ini telahpun berjalan dengan lancar bermula pagi tadi.

Hadirin dan Hadirat Sekalian,

Program SME-University Internship 2010 ini adalah satu program pembangunan keusahawanan yang melibatkan model hubungan tiga pihak iaitu perniagaan enterprise kecil dan sederhana atau SME di Perlis, UniMAP (universiti sebagai pusat kecemerlangan), dan pelajar-pelajar UniMAP sebagai konsultan pelatih.

Program ini sebenarnya telah pun diadakan bermula 1 September 2010 dan berakhir pada 15 Disember 2010 yang lalu. Justeru, program pada hari ini adalah merupakan program yang telah pun sampai ke penghujungnya. Ini bermakna sesi pembentangan akhir yang dilaksanakan pada

hari ini adalah sebagai kemuncak program bagi SME-University Internship 2010 Universiti Malaysia Perlis.

Hadirin dan Hadirat Sekalian,

Saya mewakili warga UniMAP berasa sangat bersyukur kerana buat pertama kalinya, Seminar Pembentangan Akhir SME-University Internship 2010 ini yang mendapat sokongan penuh Kementerian Pengajian Tinggi Malaysia dan tajaan SME Corporation Malaysia telah berjaya diadakan di UniMAP. Untuk pengetahuan para hadirin, seminar ini telah mendapat sambutan yang menggalakkan daripada para pelajar di mana, ramai yang telah menghadiri temuduga untuk menjadi peserta yang seterusnya akan terlibat sebagai konsultan atau perunding kepada SME di sekitar Perlis.

Walaupun ramai yang menghadiri temuduga itu, hanya 30 pelajar sahaja yang dipilih sebagai kumpulan pertama bagi menyertai program ini. Mereka yang terpilih ini sebenarnya terpaksa melalui beberapa proses dan saya dimaklumkan bahawa mereka dinilai berdasarkan keputusan akademik, minat dan sahsiah yang cemerlang dan dari pelbagai bidang kejuruteraan dan perniagaan. Manakala pensyarah-pensyarah PPIPT yang terlibat pula telah memainkan peranan sebagai pengurus program atau pensyarah penasihat bagi pasukan konsultan pelajar masing-masing. Berikan tepukan yang gemuruh kepada semua peserta dan pensyarah PPIPT.

Hadirin dan Hadirat Sekalian,

Rasanya tidak perlulah untuk saya bercakap panjang pada hari ini. Di kesempatan yang ada ini, saya ingin mengucapkan syabas dan tahniah kepada pelajar-pelajar yang berjaya menjadi perintis kepada program keusahawanan di UniMAP ini. Dengan bantuan dan bimbingan daripada pensyarah penasihat, saya percaya pelajar-pelajar ini boleh dibimbing untuk menjadi konsultan yang hebat suatu masa nanti.

Sekali lagi sekalung penghargaan buat pihak SME Corporation Malaysia dan Kementerian Pengajian Tinggi Malaysia di atas segala khidmat nasihat dan tunjuk ajar yang diberikan sepanjang program SME-University Internship 2010 UniMAP ini berlangsung.

Tahniah dan terima kasih saya kirimkan kepada Dekan Pusat Pengajian Inovasi Perniagaan dan Teknousahawan, Universiti Malaysia Perlis iaitu Prof. Madya Dr. Hazry bin Desa di atas sokongan penuh yang diberikan. Begitu juga kepada Encik Ahmad Zulhusny bin Rozali selaku pengarah program, barisan pensyarah penasihat yang berpengalaman dalam khidmat nasihat keusahawanan iaitu Encik Muhammad Faisal bin Hamidi@Abdul Rani, Encik Ku Amir bin Ku Daud, Cik Nur Syuhadah binti Kamaruddin, Puan Suraiya binti Ibrahim, Puan Julinawati Suanda dan Cik Azlini binti Hassan serta tidak lupa juga kepada jawatankuasa pelaksana dan

mereka yang terlibat secara langsung dan tidak langsung di dalam memastikan kejayaan Seminar Pembentangan Akhir SME-University Internship 2010 ini.

Semoga usaha yang dijalankan oleh kita ini mampu meningkatkan martabat dan potensi perniagaan SME di Malaysia dan Perlis terutamanya dan juga mampu menambah nilai pengalaman dan kepakaran kepada pelajar-pelajar UniMAP dalam usaha mereka memburu kerjaya yang hebat selepas bergraduan nanti.

Sekian. Wabillahitaufik Walhidayah Wassalamualaikum Warahmatullahi Taala Wabarakatuh.